

Momba .ti

Mit't.en or.ak' bhitrire ponea momba.ti jolok'kan tahe~kana. Ado onako momba.ti do ako akoko galmaraok' kana. Pa.hil momba.ti doe menkeda, in' do suk ka.na.n'. Okoe ho~ jol katet' bako doho dar.ea.n'a. Nit' don' ir.ijok'a. Ina. men torage i~r.ic'ena.

Ina. tayom dosar momba.ti ho~e menkeda, in' do biswa.s. Okare suk ba.nuk'a, ond.e do jolok' reak' ja~ha~n ja.rur.ge ba.nuk'atin'a. Nit' don' i~r.ijok'a. Enka ror. muca.t' torage i~r.ic' got'ena.

Tesar momba.ti nia. dhaoe menkeda, in' do dula.r. ka.na.n'. Suk ar biswa.s okat.ak'ge ba.nuk'a, onate d.her jolok' lekan dar.e ho~ ba.nuk'tin'a. In'ak' ja~ha~n ja.rur. ba.nuk'te hor.ko mit' ar.ereko dohoka.n'a. Eken ina. eskar do ban', akoren dula.r.ia. hor.ko ho~ko hir.in'koa. Ina.ko menkatec'ge tesar momba.ti ho~e i~r.ic'ena.

Thor.a gha.r.ic' tayom mit't.en gidra. ona or.ak'e boloyena, i~r.ic' akan pea momba.ti ar.ere nase nase jolok'kan momba.ti n'elte gidra. doe kukliket'koa, cedak' ape do bape jolok' kana? Aur.ipe cabak' dha.bic' jolok' reak' ja.rur. tahe~kantapea. Ina.katec' uni gidra. do rarak'e dhura.ena. Ado ponak' momba.ti doe menkeda, alom botorok'a. Tin gha.r.ic' in' jolok'kan, in' hotetege sarec' akan momba.ti dom jol dar.eak'a. In' do ka.na.n' as se bhorsa. Khange uni gidra. do onako sarec' akan momba.ti doe jeret'keda. Ado got.a or.ak' arho~ marsal rua.r.ena.

Nonkage aboak' jionre aema lekan duk-da.ndi se muskilak' kotebon ten eset'kok'a. Menkhan as bhorsa n'utuman marsal do tisho~ ohoge i~r.ic' ja.rur.a. Cedak' je, as ban' tahe~len khan aboak' se apnarak' jion khon suk, biswa.s ar dula.r. ho~ danan'ok'a.

Meskoc´

Meskoc´

(1)

Barea gate kor awak´ galmarao:

Kabul: E gate, 2000 t.aka dharem ema.n´a? 7 din tayomgen´ emama.

Abul: Nok´oe 2000 t.aka.

Kabul: T.aka n´am tayome menkeda, E gate, a.d.i maran´em upka.r keden´a. Noa dhar se rin do tis ho~ ohogen´ sod dar.eatama. 2 cando paromena, enho~ t.aka rua.r.ge bae meneda.

Abul: In´ak´ t.aka ma ruar.ge bam rua.r.a.n´ kan do?

Kabul: Cet´ t.aka?

Abul: Ene jotowak´em hirin´ cabakeda? 2 cando lahare in t.hen khon 2000 t.aka dharem hatao akat´.

Kabul: O ona t.aka reak´ katham meneda, enhilok´ge saphaten´ la.i akat´mea, noa amak´ nuna.k´ maran´ rin do tis ho~ ohogen´ sod dar.eatama.

(2)

En´gat´ ar gidra talare galmarao:

Gogo: E bet.a, cedak´ ten´go katec´ dakam jojom kana?

Gidra.: Nit´ khonak´ do ten´go katec´ge dakan´ joma.

Gogo: Cedak´ bet.a?

Gidra.: Nuna.k´ maran´ opoman do ba.n´ sahao dar.eak´ kana. Din hilok´ babae meta.n´ kana, una.k´ maran´ kor.a gidra dur.up´ dur.up´em jojom kana. Onate tehen´ khonak´ do ten´go katec´gen´ joma.

Parwa Parwa

(Gidra, Enec')

Noa enec' do a.yup' jokhec' kulhire gidra.ko enec'a. Are bochor khon latarren kur.i ar kor.a gidra.ko enec' mit' dar.eak'a. Tina.k'ge gidra.ko tahe~na una.k' enec' do jomkaok'a. Enec'ko modre mit't.en Parwa kisa.~r.e tahe~na. Et.agic' do or.ak' kisa.~r. Parwa do akoren ma.likak' d.and.a khon ehop' kate oton' tayomko ha.r.up'kok'a. Metak' me, mit' hor.ak' d.and. are et.agic'e ha.r.up'kok'a.

Or.ak' kisa.~r. do hor.o tase ka.mi uduk' bar.a kateye mena, "Umuk'in' calaoena" Pukhrireye umok'a. Un jokhene mena, "D.a.buc'kuc' d.a.buc'kuc'". Khange Parwa kisa.~r. doye hohoya, "Hor.o bud.hi parwako jomet'tama". Bud.hi doye n'ir hijuk'a ar "Halat' Halat' doye ror.a. Khane mena, "Okoeren parwa bhala hor.oko jomket'tin'a?" Unre parwa kisa.~r. doye mena, "Ohon' menlea in'ren parwa don' kapat. eset' akat'koa." Ona takrege parwako bhak bha.kur.a. Bud.hi doye mena, "Amren parwage hor.o doko jomket'tin'a.

Khan bud.hi do t.irmut.iye benaok'a, ar parwaye a.tkirkoa. Parwa kisa.~r. do tiye t.ap t.apae taya ar t.irmut.iye laga n'ireya. Parwa do boraborge kisa.~r. tayomreko tahe~na, T.irmut.i do tayomre menae gidra.ge pa.hilte doe a.tkirea. D.and.a khone or chad.ao leko khange boleye jomket'koa. Ado onkatege enec' do cabak'a.

Mahasoe Ar Gidra koak' Golpo

Mit'din mit't.en Mahasoe kelase hataoet' tahe~kana. Ado gidra.koe metat'koa, tehen' mit't.en nawa jinis in' cet'apea. Ina.katec' Mahasoe do ac'ak' gubli khon 100 t.aka.e ond.on'keda ar gidra.koe metat'koa, noa t.aka okoe hatao sanaet'pea ma ti tulpe. Khange ona t.aka hatao la.git' aema gidra.ge tiko tulkeda. Ina.kate Mahasoe do ona t.aka tite sap' kacra ka.cr.ikeda are menkeda, nia dhao ma okoe noa t.akape hataoa? Onko pa.t.hua. gidra. modre aema gidra.ge ona t.aka hatao la.git' tiko tulkeda.

Ina. tayom Mahasoe do ona t.aka arho~ otre gid.ikeda ar send.elte lebet' bebet'te ma.ila. cabakeda. Ina.kate arho~e kuliket'koa, ti tulpe, okoe do noa t.aka hatao sanaet'pe. Ona kathate arho~ gidra.ko do tiko tulkeda.

Ado Mahasoe do joto gidra.koe sarhaoket'koa are menkeda, tehen' do abo nawa mit't.en jinisbon cet'keda. Tinre ona t.aka mon'jge tahe~kan unre ona reak' dam do 100 t.aka, arho~ tinre tite ona t.aka kacra ka.cr.iyena unre ho~ ona reak' dam do 100 ge ar tinre send.elte lebet' lebet'te ma.ila.yena unre ho~ ona reak' dam do 100 ge tahe~yena. End.ekhan ona t.aka reak' dosa do ja~ha~ leakage hoyen ona reak' dam do enkage tahe~yena. Aboak' jion ho~ ona t.aka leakage.

Aboak' jionre a.d.i dhaoge oka bon got.ae ar aema lekan dosarebon par.aok', jionre aema ma.ila. do par.aoabona. Unre abo do a.d.igebon as chut.a.uk'a je aboak' ja~ha~n damge ba.nuk'a nonkabon hudisa. Cet kha.t.ige aboak' do ja~ha~n dam ba.nuk'a?

Sikhna.t: Ona 100 t.aka leka abo ho~bon damangea. Eken aboak' dosa se obostha bodolok'a. Menkhan oka hoeakan ar cet' hoyok'a ona hudis ban'kate tis reho~ babon as chut.a.uk'a. Ente aboak' se apnarak' mit't.en bises gun se man do menak'a.

Meskoc´

Meskoc´

(1)

Mit´t.en pa.t.hua.gidra.ar Mahasoe talare gapalmarao:

Mahasoe: Mase la.ime, 5 -2 bad lekhan tina.k´ tahe~na?

Pa.t.hua.: Ba.n´ bad.aea Mahasoe.

Mahasoe: Sa.rige, am do mit´t.en D.an´gra kanam.

Pa.thua.: Mahasoe, in´ ma nit ho~n´ ka.t.ic´ge. Onate D.an´gra ban´ kate Mi~hu~ meta.n´me, Mahasoe.

(2)

Barea gate kor.awak´ galmarao:

Ronju: Bad.eam, tehen´ iskul hijuk´ jokhen 5 t.akan´ ban´caokeda.

Hablu: Cekate?

Ronju: Tehen´ do Bus ga.d.i tayom tayomten´ da.r. a.gu akada. Judi Bus ren´ dec´len khan end.ekhan 5 t.aka emok´ hoekok´tin´a.

Hablu: Haere Gadha!

Ronju: 5 t.akan´ ban´caokeda, cedak´ Gadha dom meta.n´kana?

Hablu: Bus tayomte ban´ da.r.kate, mit´t.en Taxi tayomtem da.r a.gu lekhan, end.ekhan 100 t.akam ban´caokea. Mase la.ime amge, Gadha ban´khan celen´ metama!

Goḷap Baha

Mit't.en hud.in' gidra.i tahe~kana. Uni gidra do din hilok' iskule senok'kan tahe~kana. Mit'din iskul calak' jokhen d.ahar ar.ere golap baha dare koyok' n'amkeda. Ona darere do mit't.en a.d.i mon'j arak'ge golap bahawakan tahe~kana. Adoe hudiskeda, noa baha do or.ak'e sit' idiya. Thor.a gha.ric' tayom arho~e hudiskeda, tehen' do ban' gapan' sida.

Dosar hilok' iskul khon rua.r. jokhene n'elkeda ona darere barea utar. golap baha. N'elok'te arho~ mon'jge n'elok' kana ekal jen'get' jen'get' arak'ge. Ado mone monete gand.onena, hola noa bahan' sit' lekhan tehen' do una.k' mon'j do ohoge n'elkok'a. Tehen' barea baha menak'a, nonkage din dinte arho~ d.her baha idik'a ar mon'jge n'elok'a .Cet'leka in' mon'jgen' n'eleda, et.ak'ko ho~ onkage mon'j ko n'el dar.eak'a. Adoe hudiskeda, noa baha do ba.n' sida. Aema hor. do noa baha ko n'ela ar mon'jko at.kara.

Sikha.una: Apnarak' kusi ra.ska. se as purun la.git' tis ho~ ad.epase ber.haeteak' mon'j jisnis alobon ba.ri.c' ma. Ente am cetleka noa jinis n'elte monre ra.ska.m bujha.u, onkage et.ak'ko ho~ko ra.ska. dar.eak'a. End.ekhan nonkanak' ka.mikote amak' jionre sukem sendra n'am dar.eak'a.

Mit't.en Raj Ar Montri

Mit't.en Raj ren pea Montri ko tahe~kana.Mit'din Raj do ac'ren pea Montri hohoat'kote metat'koa, nok'oe ape joto hor. mit't.en katec' kha.li bostan' emape kana, birte calak'pe ar noa bosta do aema lekan jo kote halan' perec' a.guipe, okoe lahape perec' a.gu dar.eak'

kana.Khange onko pe hor do bir gajar teko mohnd ayena.

Pa.hil Montri doe hudiskeda, Raje menakat' leka mon'j mon'j jote bostan' halan' pereja ar onka leka uni do bir gajar reak' n'elok'te joto khon mon'j jote bostae halan' perec'keda are ruar hec'ena.

Dosar Montri doe hudiskeda, Raj do una.k' napaete bosta do bae n'ela onate ba.r.ic' jo kote bostae perec'keda ar cetanre thor.a mon'j joe sajaokeda are rua.r. hec'ena.

Onka leka tesar Montri ho~e hudiskeda, Raj ak' do una.k' opsor ho~ ba.nuk'a je noa bosta jhic'katec' mit' mit'te n'ela. Onate Montri do ac'ak' bosta rohor sakam, gha~s, kat.h emanteak'kote halan' perec'keda are a.gukeda.

Ado onko pea Montri Raj dorbarreko ha.jirena, khan joto hor.ak' bosta perec' n'elte Raj do a.d.ige khusiyena. Tesar Montri do ac'ak' bud reak' katha hudis gand.onkate mone monete a.d.i budan hor.e lekhak' kana. Raj do thor.a gha.r.ic' tayome menkeda, noko Montri do akoak' bosta selet' 7 din la.git' jehel or.ak'te idikope ar joto hor. juda. juda. or.ak're dohokakope. Noa 7 din cet' jomak' ho~ alope emakoa. Raj ak' hukum leakage pea Montri do jehel or.ak'ko idiket'koa. Pa.hil Montri do 7 din ac'ak' bosta reak' jo jomte dine khemaokeda. Dosar Montri ho~ ac'ak' tina.k' mon'j jo tahe~kan onage bar dine jomkeda, et.ak' din do ba.r.ic' se sea jo jom katec' din khemaoe kurumut.ukeda menkhan rua.re ja.bunena. Tesar Montri ak' bostare ja~ha~n jo ban' tahe~kante begor jomte jehel or.ak'rege goc'ena.

Sikha.una: Judi abo ho~ ja~ha~n ka.mire ga.phla.t ban'kate t.hikte olok' par.hao bon hamet. end.ekhan aboak' d.ahar ho~ phaelaok'a. Okoe ho~ bako at.kao dar.eabona. End.ekhan a.d.i algate ja~ha~n ka.mirege mon'j jo bon n'am dar.eak'a.

Mit't.en Kor.a Ar Dhiri Reak' Golpo

Mit't.en hud.in' atore mit't.en kor.ae tahe~kana. Uni kor.awak' do ja~ha~n gharon'j ho~ ban' tahe~kana ar nacarge tahe~kana. Onate et.ak' hor.ak' or.ak're ka.mikate a.sulok'kan tahe~kana. Mit'din uni kor.a do a.d.i maran' dhiri n'el n'amkeda. Ona dhiri do a.d.i hamal tahe~kana ar eskarte tul ho~ bae tul dar.eak'kan tahe~kana. Ado thor.a hor.ak' gor.oe hataokeda, menkhan onko ho~ ona dhiri do bako tul dar.eada.

Khange uni kor.a doe asketena ar dhiri ho~e ar.ak' gid.ikedada. Ina.kate cet'e cekaea mente nawate hudis gand.onena. Uni do mit't.en dhiri reak' ha.tur. ar mit't.en gojale a.gukeda ar dhiri bhuga.k'keda. Ina.tayom uni do mit't.en baber dhiri bhuga.k're aderkeda are tol uric'keda. Ado ac'ren gateko son'ge kate ona baberko orkeda. Onko do a.d.i haron ar kost.ote muca.t' dha.bic'te ho~ dhiri ko tul rakap'keda. Uni kor.a do a.d.i a~t.e kusiyena ar gateko sa~ote ra.ska.yena. Adoe bujha.ukeda ja~ha~ tina.k' hamal se ka.t.hin ka.mige kurumut.utem ka.mi lekhan ona jo se kur.a.i dom n'amgea

Meskoc'

Meskoc'

Mit' okte thor.a bidisia. Ban'gladisom ko hec'lana. Ado Ban'gladisom ren mit't.en kor.a ko kulikedea, ape disom reak' jatio khila.d. do okat.ak' kana? Ado uni kor.a doe ror. rua.r.keda, ale disom reak' jatio khila.d. do kana kabad.i. Khangeko kuli rua.r.kedea, end.ekhan cedak' noa do jatio khila.d. kana?

Adoe ror. rua.r.keda, ente noa khila.d. redo a.d.i aema akot. se ta.kic'ak' menak'a. Tina.k' laha sec' calak'em kurumut.uia una.k'ge am

sa~o gatek'kan et.ak' dolko doko at.kaomea. Jemon alom laha dar.eak'.
T.hik onkage mit'bar hor. menak'koa tina.k' laha sec' se cetan sec'
rakabok'em kurumut.ui una.k'geko or phed.mea.

Sikha .una Golpo

Mit't.en Pajhar. dare d.ar re dur.up'kate jira.uk'kan tahe~kana. Ado
mit't.en Kula.i do Pajhar.e n'elkedete kulikedea, In' ho~ am lekan'
jira.u dar.eak'a? Pajhar.e ror. rua.r.adea, he~, cedak' bam dar.eak'a.
Ina.kate uni Kula.i do otrege mit' jaegare jira.uk'a mente dur.up'ena.
Ackage mit't.en Toyo ond.e ha.jirena, ar don kate uni Kula.i-e
sap'kedete jomkedea.

Cecet'ak' bisoe: Ja~ha~n ka.mi begor dur.up'kate suluk se nira.ite
jira.u jon'em menet' khan, end.ekhan am do a.d.i cetanre tahe~n
hoyok'tama